


嘉慶太平縣誌
二

ISBN 988-978-316-9



二〇〇六年三月

中國海疆舊方志

選題組織策劃：蠅池書院出版有限公司

發行者：蠅池書院出版有限公司

出版者：蠅池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八七九〇〇

定價：人民幣 九五〇〇〇元（全書共三百一冊）

嘉慶太平縣志卷之六

祠祀志

正祀

社稷壇 在延照門外教場西南向東西二丈五尺南北如之高四尺四出陛各三級壇下前九丈五尺東西南各五丈瘞次在其西北以垣繚之由北門入神以石柱爲主長二尺五寸方一尺一寸剡其上形如鐘埋於壇上正中近南上露圓尖祭用春秋仲月上戊日明洪武八年嘗令每里置社壇而不屋本邑各里卽以廟代

正祀

社惟成化間莞隩陳彬率鄉人特立社去淫祠其後亦廢故里社不復標目

風雲雷雨山川壇 舊在縣治南大遠橋明末徙壇於治東坐子向午方闊二丈五尺四圍共一十丈四出陛惟午陛五級子卯酉皆三級燎壇在其南風雲雷雨神居中境內山川居左城隍居右

邑厲壇 在仰山門外鳳凰山下南向高二尺四寸前出陛三級繚以垣立門額厲牌祭日長官率僚屬迎城隍神主於壇上以主其祭仍設神牌二於壇下之左右

題曰本縣境內無祀鬼神舊有鄉厲壇與邑厲壇祭同
日今廢

城隍廟 在縣治東迎輝門內明知縣常完建陶秀重
修始稱顯佑伯繼定稱某縣城隍之神今稱永甯王未
知何時加號有木主兼塑像合祭於風雲雷雨山川壇
及行厲祭時迎神主位於厲壇之上其二仲上戊日廟
中之祭守土官自捐資備牲醴行之乾隆四十四年紳
士因廟屋圯前後殿俱重修

新河城隍廟 在五龍山下明洪武二十九年建規制

等縣城里人虔祀修葺一新

明葉良佩重修城隍廟記

訖以爲幅員而設險守國之道因之吾台僻在東南以海洋爲界往在勝國倭奴率聞歲或連歲輒一入我境國初用虎臣議設立軍衛二守禦千戶所五據險要以布爪牙繇是緣海軍民咸得緩帶咽哺迄於今茲新河所在太平縣東北境上隸海門衛厥初隍隍作城立城隍廟於五龍山下以供祀事歲久圯壞有靈應能降乩預言禍福日者倭寇犯境神云寇必不至己而果然用是人益信異予嘗考城隍之有祠特起於吳楚之閒高齊梁武陵王皆有祭城隍文及李唐趙宋以來其祀遂徧天下水旱疾疫必禱焉然遷就附會或指先代一人以爲神之姓名如潤州蕪城太平諸郡皆祀紀信龍興贛袁臨江諸郡皆祀灌嬰迄我朝始正神號稱曰某土城隍之神廟宇備物壹視有司則其祀禮益嚴且正矣神有靈應事常有之論者疑茫昧不可致詰予曰是山川之靈爲之也

夫幽明一理而已名山秀川氣之所聚恆必有精焉是之謂神亦猶血氣之生人而精發乎其心也今茲烽燧未息神果能出陰功以佐佑我兵屹然爲東南保障則有司將益當崇奉廟事又不翅若今而已斯固闔城父老之意也故記以是終焉

文昌廟 基凡三徙初自尊經閣側遷東廡後西向乾隆

間遷儒學門上舊附祀 先師廟今奉文仿照關帝

廟之制舉行增設神位紅飾金書春秋特祀春祭以二

月初三日秋欽天監頒選日期祭祀銀兩於地丁奏銷

案內與武廟一律支銷禮加崇矣

附文昌閣在鄉者一松門

舊在伏龍山

一新河

在龍山書院後前有魁星

閣

一澤庫

初里人張淮即新橋舊基改建街北隅

一冠

嶼

趙姓

一長嶼

在日照堂前

一溫嶺

在街東北嘉慶九年里人捐建

一金清

關帝廟

在縣治西延照門內東有千古如生坊今圯

前有池康熙癸未年大旱水涸忽泉湧數尺晚涸如前

踰月又湧人甚異之知縣何有畧記其事嘉慶九年災

里人暨闔營捐資重建

附關廟在鄉者一松門

一南鑑

在十都鹽場側

一冠嶼

趙氏建

一石黏

一澤庫

即左勝堂

一新河

乾隆四年間廟門斜而將傾十月初二夜忽動

震有聲早起視之桁柱俱整齊

一橫峯橋

金姓建

一後洋

鄭槐鄭煌
文等捐建

一石橋

蔣氏建

一山西在八都

一大閭

天后宮

舊石塘過渡處及龍王堂圓巖潭俱有宮嘉

慶五年六月甲辰阮公捕賊海上荷神靈大風陡起賊

船盡覆官船一無所損事聞 敕於松門城內特建天

后宮

賜額宣籙恬波

頒藏香致祭并祀龍神於旁

賜額靈昭威蕩知縣以時虔祀其松門對岸天后宮

僧得桂修奉香火俗呼娘娘宮并建有堂名惠濟

火神廟

在演武廳左

馬王廟

祀房星舊在城隍廟東知縣劉履昌建今徙

西門外演武廳右

馬王廟 在南監北闌宋朱文公疏水時建棟木至今如新石一方色白潤叩之有聲

名宦祠 在戟門左翼祠屋三間知縣劉弼卽舊藏書廬改建祀知縣袁道盧英續增知縣晏文輝教諭李德用

鄉賢祠 在 聖廟戟門之右祠屋三間葉志載祀王居安戴良齊盛象翁郭櫟王叔英葉黼續祀謝省應志和林鶚黃孔昭謝鐸等十餘人林志增邱應辰李茂宏

程完林純李匡林克賢林霄繆恭陳彬趙大佑戴
綰許鴻儒統計二十五人府志增知州趙崇賢教授趙
成宣雍正五年學冊有趙崇賢無趙成宣成宣遂昌教
諭非教授

集賢祠 在千古如生坊西三官堂前祀郡伯張允登
通判曹克謙知縣方輅俞咨益許成章黃巖兼攝知縣
劉士明教諭周用中陳萬鐘又有懷德祠在 聖廟旁
孔承雷等建祀曾侯才漢永思祠在萬壽寺左祀胡侯
學戴今俱圯黃公祠在縣署西

正記

朱子祠 先有祠在南監街嘉靖閒郡守宋世忠令縣
卽佑聖觀改雍正戊申鄉人毀知縣張世錫祠祀文公
在西城三官堂之左

袁公祠 在城隍廟右卽去思祠明宏治二年邑人陳
儒敷捐建祀知縣袁道謝鐸記 國朝乾隆二十七年
知縣徐命陳氏後人挺耀賢載等循迹修理增立後祠
五楹大門三楹及兩廡有官給田三畝八分坐下水洞
外備歲祀及修葺

武毅公祠 在新河公名繼光嘉靖閒以台金嚴參

將親平地方倭寇軍官李誠立等率民立祠樹碑知縣
徐鐵爲文舊基在城隍廟前有田八十畝歲久被侵祠
亦傾壞紳士沈時等集資修建嘉慶元年里人以祠基
狹遷建城隍廟之西左右有仰山惠我二亭明林貴兆
有感南塘平賊記

范忠貞公祠 在縣西朱子祠側康熙閒建祀總督范
公承謨公撫浙嘗親至邑奏免積荒逋賦五萬至今民
德之

祈霖祠 在迎輝門外知縣謝堅有惠政邑人生祠之

謝辭以祈雨真武神有驗改祈霖祠後人仍祀謝於旁
臨海陳煒記煒卽函輝也

忠義節孝二祠 俱在東門直街與袁公祠近雍正四
年知縣戴世祿奉文建後改建忠義祠訓導署北并圮
烈士祠 在一都谷隩祀元溧陽教授里人林夢正明
知縣曾才漢建

戴相公廟 在七都屏山石屏旣死有神靈鄉人祀之
王靜學祠 亦稱忠節祠初江南廣德州有公祠知縣
曾特建於縣治東五百步鎮東門裏祠屋五閒門屋一

座未幾廢附祀學校神旁萬厯三年知縣翁仲益以僧
道互爭地入官詳請建祠於皇華亭左置田若干立石
祠側 國初重修朱長孺有記康熙戊子圯於風庚寅
紳土石中玉朱捷等再修明陳朝賓謁王靜學祠詞垣
血噴幾沾衣一騎徵兵出帝
畿王馬誰傳微子去金戈欲效魯陽揮祠山有魄終
依柏商嶺何心更采薇今日城東新廟貌千秋海國
有光輝

貞烈祠 在黃淡隩祀靜學夫人及二女皆靖難時死
節者蔡方伯潮記靜學故址入庠士金世葩家知縣曾
求遺裔欲樹立之謀於紳士邱雲鶴高振輝等議卽校

鄰隙地建祠世范讓出其地建貞烈祠

烈婦祠 一在縣治東北二百步明郡守羅僑檄縣建以祀林烈婦王氏一在延照門內觀音堂前知縣晏文輝建以祀張烈婦薛氏一在縣西三十五里知縣祝宏舒建以祀朱烈婦吳氏又有狼隄張四女適臨海葉氏祠在府前大井頭事實詳臨海志

叢祠

東嶽廟 在縣治西關廟東萬厯閒知縣唐映建迭年修理嘉慶九年與關廟同災里人集資重建監生應文